


ნახ. ი. ყაიხარაძის



# ქართული სახელმწიფოს სარჯსუ!

## ფალბონი

**ჭიათურის რაიკოოპერატივის სოფელ პერევისის მა-**  
ლაზიის წინ გრძელ სკამზე რამდენიმე კაცი ჩამომჯდარიყო და ტკი-  
ლად მასლაათობდა.

უკვე ღამდება და ჩვენი მაღაზიის გამგე-გამყიდველი გიორგი პა-  
პიძე კი არა და არ ჩანს!.. ააშენა ღმერთმა!.. ერთობ სელგამილი  
კაცია!.. მე პირადად მაღაზიიდან 840 მანეთად ღირებული საწოლები  
და კარალები ნისიად გამომატანა. მითხრა: — სენია, წაიღე ეს სა-  
ქონელი, თორემ მერე გვიან იქნებაო! ვუთხარი: — კი მარა, სომ გა-  
გიგონია, ვალს გადახდა უნდა-მეთქი? რა მითხრა, იცი? — მოგცლია  
ერთი შენო! რა ფული, რის ფული, თუ მიგაქვს, წაიღე ეგ საქონე-  
ლიო! — არა, ნამეტანი კარგი ყაზახია! — გიორგი ლეთოდინაში სი-  
გარეტს უცხოური სანთებელათი მოუკიდა.

საუბარში გვრვასი კუპატაძე ჩაერთა: — ნათქვამია, ვალი და სეს-  
ხი არ ბერდებაო! მეც შენს დღეში ვარ, ჩემო გიორგი! ამას წინათ  
მაღაზიაში შევიარე, ახალი მარკის მაცივრები იყო მიღებული! მტა-  
ცა ხელი ამ ჩვენი მაღაზიის გამგემ და შეუბნება — რახან მაგ მაცი-  
ვარს მოკიდე ხელი, ალბათ მოგეწონა კიდევ, ხოდა, შენი ფეშქაში  
იყოს! — მაცივარს ტელევიზორი მოაყოლა და — ორივეს ღირებუ-  
ლება 416 მანეთი როდესაც გექნება, მაშინ მომიტანეო!

— კხ!.. კხ!.. კხ!.. — ჩაიქირქილა ულდარ სოფრომაძემ: — რომ  
იტყვიან, ვერიდებოდი ღოღოსა, დამიხვდა სოფლის ბოლოსაო, სწო-  
რედ ისეა. მე კიდევ, კაცო, 350 მანეთის ღირებულების სამხარეუ-  
ლოს მოწყობილობა გამატანა ნისიად!..

— ნათქვამია: ვიდრე ხეს ქერქი სძვრება, მანამდე უნდა გააძროო!  
აკი ასეც იქვეიან ჩვენი მეზობლები: ვალერი ცერცვაძე, ვვენი ლუ-  
ლუნიშვილი, გერონტი ნეფარიძე, პეტრე კუპატაძე, გიორგი წერეთე-  
ლი, თინა ბინაძე, შოთა ვაშაძე, მაგული კუპატაძე, ავთანდილ უზნაძე,  
თემურ პარულაძე... ყველანი მისი მოვალეები არიან და კიდევ ვინ  
იღის, რამდენი!.. ამ ჩვენს მაღაზიის გამგეს შეიძლება აღარც კი  
ახსოვს თავისი მოვალეები!..

— კი მაგრამ, ამ მაღაზიას პატრონი არ ჰყავს? არ ამოწმებენ? ან  
ნავაჭრ თანხას ბანკს არ აბარებენ? თუმცა ბანკს რაღა უნდა ჩააბა-  
როს, როდესაც მაღაზიის საქონლის ნაშთის ნახევარზე მეტი ნისიად  
აქვს ვაცემული!..

ამ საუბარში იყვნენ, რომ მაღაზიის წინ „ვიგული“ გაჩერდა. მან-  
ქანიდან გადმოსტა გიორგი პაპიძე. იგი ერთობ აღელვებული ჩანდა.  
— რაღაც ფარცავია ამის თავს! — ჩაილაპარაკა ოთარ წივილა-  
შვილმა და პაპიძეს შესცივინა:

— გიორგი, კაცო, არ იტყვი, რა მოხდა? მთელი სახე გიცინის,  
ოქროს ზოლი სომ არ იპოვე, შა?

— უფრო უკეთესი! ქალს ვირთავ! აპაა! რაღა, არ ვარის დღეს  
უკვე 40 წლის კაცი ვარ, მეუოფა, რაც იყო!.. ჰოდა, მოემზადეო! მე-  
ზობლებო, ქორწილში გაპატივებთ! ისეთი ქორწილი უნდა გადავიხა-  
ლო, რომ რაიონში კი არა, ჩემი ქორწილის ამბავმა თბილისშიც ჩა-  
აღწიოს!..

— ჩვენც აქა ვართ, გვერდში ამოგიდგებით!.. ვალსაც გადავიხ-  
დით!..

— რაო?! ვალიო?! შეაწყვეტინა ულდარ გიორგაძეს მომავალმა სა-  
სიძომ. — მეორედ არ გავიგონო მაგი! ფულის მეტი რა მაქვს!.. აგერ  
არ არის ჩემი მაღაზია?! ბიჭებო, 5000 მანეთი სომ მიეყოფა ქორ-  
წილისათვის? კი, სომ? ჰოდა, გელოდებით! ახლა მაცალეთ, მაღა-  
ზიაში ანგარიში უნდა დავაყენო!..


გიორგი პაპიძე სიტყვის კაცი იყო: 5000 მანეთი მაღაზიიდან  
აიღო, სამაგიეროდ ისეთი ქორწილი გამართა, მტერს თვალს დაუ-  
ყენებდა!.. სასიდედროს თბილისში ნათესავთან სტუმრობისას სუფ-  
რაზე ზეთისხილი გაუსინჯავს, არ მოსწონებია, სახეც დაღრეჯია,  
მაგრამ რომ შეუხედავს, სხვა სტუმრები დიდი სიამოვნებით მიირ-  
თმევდნენ, ძალაუნებურად მასაც მიურთმევიან!.. ჰოდა, სასიდედრომ  
დაიჩქმა თურმე, გინდა თუ არა, საქორწილო სუფრაზე ზეთისხილი  
აუცილებლად უნდა იყოს, ინტელიგენტების ოჯახში ასე იცინან!..  
სასიძო კი უმტიციებდა: — ზეთისხილი თუ რაღაც ჯანდაბაა, მაგას  
ჩვენებური მკავეული სჯობსო! მაგრამ სასიდედრომ არ დათმო და  
სუფრა ზეთისხილით აივსო, თუმცა პირი არავის არ დაუკარებია!..

ამ ზღაპრულმა ქორწილმა და პაპიძის გაუგონარმა ქველმოქმედე-  
ბამ (რაც სახელმწიფოს საქონლის ნისიად გაცემით გამოიხატა) ბო-  
ლოს და ბოლოს, როგორც იქნა, ჭიათურის რაიკოოპერატივის მს-  
ვეურთა ყურამდე მიიღწია. შეამოწმეს მაღაზია და თავში ხელი  
შემოიკრეს: რაღაც ვქვს თვეში 1986 წლის 5 სექტემბრიდან 1987  
წლის 1 მარტამდე მაღაზიის გამგე-გამყიდველ გიორგი პაპიძეს თავისი  
ქორწილისათვის დახლიდან აუღია და დაუხარჯავს 5000 მანე-  
თი, შემდეგ კიდევ დაუმატებია 4182 მანეთი და სულ შითვისებული  
აღმოაჩინდა 9182 მანეთი!.. ნისიად გაუცია 8810 მანეთის სამრეწვე-  
ლო საქონელი!.. ცუდი მოვლის გამო 2648 მანეთის საქონელი აღ-  
მოაჩინდა უხარისხო, 4661 მანეთის საქონელს, ხაერთოდ, არტიკული  
არ აღმოაჩინდა და მატერიალურმა ზარალმა 18001 მანეთი შეად-  
გინა!..

ნ წლით თავისუფლების აღკვეთა ქონების კონფისკაციით, სასჯე-  
ლის მოხდის შემდეგ 5 წლით მატერიალურ პასუხისმგებელ პირად  
მუშაობის აკრძალვა! — ღირდა კი ყოველივე ამად ეს? — სმირად  
უსვამს ახლა ამ კითხვას შრომა-გამასწორებელ კოლონიაში თავის  
თავს გიორგი პაპიძე და თვითონვე უპასუხებს: — ისე გამოვიდა,  
როგორც ქართულ ანდაზაშია. ესიკელას ქორწილი, გოგიელას ხარ-  
ჯიო!..

**ზაალ მენენგიანი,**  
საქართველოს სსრ იუსტიციის სამინისტროს  
უფროსი კონსულტანტი.

## ნახ. ბ. ზუგაშვილისა




უსიტყვოდ

5.8.

# დალოლა მედნიანიძე ❖ სამიხელ-იარაღი ლირიკა

X X X

მკვლელს თუ წართვი დანა და თუ გამოაგდე სოფლიდან, და არვინ არ გაგამართლა, — სხვებიც მკვლევები ყოფილან! ლოთს თუ არ უშვებ მარანთან, თუ უთხარ: — „შენი ოფლითა!“ და არვინ არ გაგამართლა, — სხვებიც ლოთები ყოფილან! ქრთამის მიმცემს თუ გაათრევ და თუ აძევებ სოფლიდან, და თუ არავინ გამართლებს, — ყველა ასეთი ყოფილა! ტირიან, სანთლებს ანთებენ, რომ მოსპონ დანაშაული!.. ეგ თქვენი თავის მართლება მსაჯულს არ უღირს შაურიც! დაჩაგრულს ხელს თუ გაუწვდი, ნღობას იპოვი ნღობითა, და თუ არავინ გამართლებს, — ყველა მჩაგვრელი ყოფილა! თუ დამნაშავე დასაჯე, მისნაირს სწყინს და უკვირს, ის კი შენ გლოცავს ათასჯერ,



ვისაც არ ეწვის კუდი! მკვლელის მკვლელს ღმერთი აცხონებს, ქურდის ქურდს როგორ დავსჯი?! ქონება — უქონს და მცოდნეს, ძუნწს მოუვიდეს ხარჯი! ჭირიანს თუ არ მალავ და თუ გამოაგდე სოფლიდან, და არვინ არ გაგამართლა, — შენზე კეთილნი ყოფილან?.. და ილაღადებ როს მართალს წინაშე ამა სოფლისა, თუ არვინ არ გაგამართლა, — თვით მიხვდი, ვინცა ყოფილან!

X X X

ცურვას ვერ ისწავლის ჯორი, იმად რჩება, რაც იყო. თევზს წყალზემთ ვერ აჯობებს, ჩუმად, წყალქვეშ ჩაწიხლავს! ფრენას ვერ ისწავლის გველი, რაც არ უნდა ელოდო. არწივს ლოცავს მიწის ზემოთ, უკებენს მიწის ქვემოდან! თევზი ცურავს! — არის სწორი და რად უნდა მტკიცება? არ იწერთნება გველი, ჯორი, არც არწივი იწერთნება!

X X X

ლექს კითხულობდა ისეთი რიხით და მსმენელს ისე მიასაღებდა, — ეჩვენებოდა ტოროლად ისე და მიიღებდა იმ ლექსს კარგ ლექსად. ლექსს კითხულობდა ისეთი რიხით, — მტრისას! — ვერაფერს გაუბედავდი!..



ჰო, მაგრამ იხვად დარჩება იხვი, და თან მიხვდება რამეს ნეტავი?

X X X

უნდა ვებრძოლოთ ნაკლოვანებებს, ნაკლოვანება თავს არ გვანებებს! რომ დაიწონოს მეტი სასწორმა, ვინ რას იტყვის და ვინ რას არ იტყვის! ძველ ლექსებს ახალ თარიღს აწერენ, ახალ ლექსს წერენ ძველი თარიღით!.. რას არ ახერხებს ვაი-პოეტი, რომ დრო მოიხრგოს და დროს მოერგოს! დიასხაც, ვებრძვით ნაკლოვანებებს! ნაკლოვანება თავს არ გვანებებს!

X X X

დატოვებს სტუმრებს, კარნავალს, სხვის მხარეს იწევებს ბორიალს!.. ასეა — სადაც არა ვართ, იქ უკეთესი გვგონია! თუმცა არ არის არც ცუდად და ერგო, რისიც ღირსია, მაინცდამაინც ის უნდა, რაც სხვას ერგო და სხვისია! აბა, ვიფიქროთ მე და შენ, ჩემო ლამაზო და კარგო, სხვისი ქონების დევნაში რაც გვაქვს, ისიც არ დავკარგოთ!

X X X


„სჯობს ყოლა უწვრთის ძაღლისა...“ დ. გურამი შვილი რადგან ყვავს თვისი ბახალა უყვარს, უწვრთელი შვილი მაინც იზრდება და უწვრთელ მშობლად გარდაიქცევა! მერედა რა ქნას შვილმა, რომელიც უწვრთელი მშობლის ხელში მოექცა? ან — კარგი მშობლის შვილმა, რომელიც უწვრთი მეგობრის გვერდით მოექცა? ან — კარგი მწვრთნელის მყოლმა, რომელიც უწვრთი დედ-მამის ხელში მოექცა? ერთი იყო და გახდება ასი და ერთი ლირწი ას სუფთას გასვრის!.. მაგრამ ყვავს თვისი ბახალა უყვარს და ასე... მუშლი ეხვევა მუხას!..



საუიზიტო ბარათი

ზოგი, ჩვენში დარჩეს და, თითად აქცევს არათითს, თუ დასჭირდა ამჯერად საუიზიტო ბარათი!.. თავის საქმეს აკეთებს, რის წესი და ადათი?! არც მეტი, არც ნაკლები, შენ ხარ მისთვის საქები საუიზიტო ბარათი!.. თავზეც შემოგველება, საჩუქარსაც მოგართმევს, თუკი არ გამოაღებ!

მეის სხვას გაედევნება!.. კარს შენს გამო უღებენ და როგორ მოიშორებ?! თუ დაძველდი, უკეთესს — ახალ ბარათს იშოვის! ზოგი, ჩვენში დარჩეს და, ცერად აქცევს არათითს, თუ დასჭირდა ამჯერად საუიზიტო ბარათი!



X X X

რამდენიც გინდა, შენ უდარაჯე, როცა დარაჯი იპარავს თვითონს!.. დარაჯს თუ შეცვლი და ძველს არა სჯობს, მაშინ სად უნდა ეძიო ხვითო? რამდენიც გინდა, შენ ასამართლე, თუ მოსამართლე იფარავს თვითონს!.. და დამნაშავე აქეთ ბრალს დავდებს, შენს დასჯას და შენს გაგდებას იხსოვს! რამდენიც გინდა, ილაპარაკე, თუ არ მოვისმენს, ვისთვისაც ამბობს!.. და დრო კი მიდის, როგორც ზვარაკი!.. ო, რა მძიმე ხარ ხანდახან წამო! უსახელოდ დაკარგული პოეტი

მას არაფერი არ უყვარს პოეზიისა გარდა! გაურბის მზაკვრულ საუბარს ტიტულის მძებნულ გვამთა!.. არ უთებნია დიდება, დიდებას ის უყვარდა! მას არაფერი სჭირდება პოეზიისა გარდა! ის არ დაუკებს არჩევნს, ის დგას ერთადერთ კართან და მისგან არც რა დარჩება. პოეზიისა გარდა!

ილუსტრაციები ჯ. ლოლუასი

# ნაკვეთები



## ი უ მ რ რ ა ს კ ა

მოსულოდნელად გამოვიძახა უფროსმა. მივდივარ, მივდივარ, მაგრამ ვაი ამ წახვლას! ფეხები მიეკეცება, სული მეხუთება!.. დერეფნის კედლები სადღაც მიექანება, ფანჯრის ჩარჩოები რაღაც უცნაურად მრუდდება და ჩემ წინ უნაპირო ცისფერი შორეთი იშლება!..

— აბა, მაშ, ეს თქვენ ბრძანდებით, არა? — მეუბნება უფროსი, — თქვენ მაკრიტიკებდით, დამოუკიდებლად მუშაობის საშუალებას არ მძლევსო? გაეთრეთო!.. თქვენი ფეხი არ ვნახო ჩემს განყოფილებაში!..

და ვეება მუშტს მძლავრად ურტყამს მაგიდას.  
— გოგი, გოგი! — სულ ახლოდან ბეზიარემის ხმა მესმის, — გოგი, რა გაყვირებს, ძილიშიც აღარ უნდა მოიხვეწო? რა დაგეინებრა ასეთი? — მანქარებს ბეზია და საბოლოოდ მაფხილებს: — უკვე აღგომის დროა!

— არა, ბები, — ვუბახუბებ და თვალებს ვიფშვინებ, — ისე, უბრალოდ წამოვიყვირე.

და სიზმარზე ვიწყებ ფიქრს. დემეტო ჩემო! თუკი ახლა ეს დაწყვეტილი სიზმარი, ცუდად წავა ჩემი საქმე!.. მახსოვს, მამამ შამბო ერთხელ, რა უქნეს კრიტიკისათვის... თუმცა რა ბედენაა? ის ამბავი ხომ ძალიან დიდი ხნის წინათ მოხდა...

განყოფილება სამარისებური სიჩუმით მხვდება.

— უფროსი გელოდებო! — მესმის ვიღაცის ხმა და მეც მივდივარ, მივდივარ, მაგრამ ვაი ამ წახვლას!.. ფეხები მიეკეცება, სული მეხუთება!.. დერეფნის კედლები სადღაც მიექანება, ფანჯრის ჩარჩოები რაღაც უცნაურად მრუდდება და ჩემ წინ უნაპირო ცისფერი შორეთი იშლება!..



— აბა, მაშ, ეს თქვენ ბრძანდებით, არა? თქვენ მაკრიტიკებდით ხომ, დამოუკიდებლად მუშაობის საშუალებას არ მძლევსო? შეხედეთ! შეხედეთ, მაგიდაზე ახალი საპროექტო დავალება ძეხს მხოლოდ თქვენ გავალებთ მის შესრულებას! დამოუკიდებლად იმუშავეთ! უჩაღ, უჩაღ! მომწონხართ!.. გულადი ყოფილხართ, კრიტიკისა რომ არ შეგეზინდათ!..

და ვეება მუშტს მძლავრად ურტყამს მაგიდას.

— გოგი, კარგი რა, გოგი! — ეს ისევ ბეზიაა. ეტყობა, ისევ ვიყვირე სიზმარში. — სამსახურში დაგვიანებ, უკვე რვის ნახვებარია! — ამბობს იგი და სამხარეულოში გადის.

— ბები, ბები! — ვყვირი საახანაოლად, — ერთი ეს მითხარი, მაინც რომელი სიზმარი ახდება ხოლმე, პირველი თუ მეორე?

— რომელიც შენ მოგწონს, — ბურტყუნით მეუბნება ჩემი დიპლომატი ბეზია.

სამსახურში მისვლა ვერ მოვასწარი, რომ უფროსმა გამომიძახა. „დემეტო, შენ მიშველე!“ — ესლა გავიფიქრე და წავჩინალოდი. აი, რას ბეტყვით, — მითხრა უფროსმა, — ბევრი ვიფიქრე თქვენს კრიტიკულ გამოსვლაზე და გულახდილად გიცხადებთ, რომ მართალი ბრძანდებით, ამერიდან დამოუკიდებლად იმუშავეთ, მაგრამ რახან მაინც ახალგაზრდა ინჟინერი ხართ, უფროსი ამხანაგები დაგეზმარებიათ! მე თქვენ მიგამაგრებთ ოთხ უფროს ინჟინერს, ჯგუფის სამ ინჟინერს, ლაბორატორიის ორ უფროსს და მხოლოდ ერთ განყოფილების გამგეს, ესე იგი მე. — და მან ფანჯარაში გაიხედა. ფანჯრიდან კი უნაპირო ცისფერი შორეთი იშლებოდა...

„შო, — გამიღვია თავში, — ახლა ეს ჩემი უფროსი თავის ვეება მუშტს მძლავრად დაარტყამს მაგიდას და მეც გამომეღვიძება.“

— აბა, რას გაჩუმებულხართ? — მითხრა უფროსმა — წადით. წადით და იმუშავეთ და მოუკიდებლად!

● **ერთი** ყმაწვილი კალათის შიშის ქალაქში მოკალათდა.

● **ისპის** ვიტკიტებს, მაგრამ უხვი მოსავალი არ მოჰყავს.

● **ლაკვი** ლომისა სწორია, სოლო უფულო ფულიანთან — არა.

● **უფროს** უცინოდა და სიცილია მოინახულა.

● **წაღის** შენახვა უყვარდა და სინდისი შეელახა.

● **რწყილი** და ჭიანჭველა დამძობილდნენ და ზოგი მეზობლები — არა.

● **თაბლისურა** სითბომ სოფელში ბევრი კერა გააცივა.

● **ლოთიანი** წაქცევავაზე სვამდნენ და მიკიტანმა ოჯახი ფეხზე დააყენა.

● **წაღი** იმიტომ არ უჭრიდა, რომ წადილი არ ჰქონდა.

● **სასაუზმა** „გემო“ კერძო იყო, კერძი კი — სახელმწიფოსი.

● **ოპროს** მონეტებით ჯიბე რომ გაევსო, მომენტებს ეძებდა.

● **არაუშა** ცხოვრებიდან გარიყა.

● **სკოლა** სამეცზე დაამთავრა და თანამდებობის სკამებზე ხშირად იჯდა.

● **რასტორნის** დირექტორი როსტევან მეფეზე უკეთ ცხოვრობდა.

● **ჯიბიერი** იმდენს არა და, მისი დამჭერი მეტს იჯიბავდა.

● **ლოთი** ჯერ ჭიქის ემე მოლა, მერე — უდანაშაულოს.

● **შაპანაური** დათვრა და შიშპანზეს დაემსგავსა.

● **შურიანი** კაცი შურადაც არ ფასობდა.

● **მატი** რა უნდა იგოს, ფულის შოვნის გზას მიაგნო.

● **მარჯა** არ უყვარდა, მაგრამ განჯინა საგსე ჰქონდა.

● **ცინხა** კონტიგენტს „ცეხები“ უგზავნიდა.


● **ერთმა** კომპინატორმა — ხელს მოვითბობო, და ზედმეტი გამოუვიდა — დაიწვა.

● **მაშის** კისერზე ჯდობა ეამა და არ ჩამოდიოდა.

● **უპატიოსნობა** არ მიატოვა, სანამ არ გააპატიოსნეს.

ოთარ ნაჭყვიანი  
(ქ. სოხუმი)

ნახ. ბ. ლომიძისა



— ვინაა ეს უთავო?!

— ჩვენთან მოანგარიშედ ითვლება, ბატონო, თავი კი კოლოპერატივი აქვს დადებულში!..



— გავაშველოთ, თორემ დაბოცეს ერთმანეთი!  
 — რას მქვია გავაშველოთ? ვადალოთ საკუთარი აზ-  
 რის განოთქმა ხალხს!

მხოლოდ ჭამად და სმად!..

ალარც — სიმღერა და ცეკვა,  
 ალარც — ლექსი და ზმა!  
 ქორწილი გადაგვიყეთდა  
 მხოლოდ ჭამად და სმად!  
 ნეფეა ჩაგოდარბული,  
 არც პატარძალი — ყმაწვილი!  
 შნოსაგან გავკოტრებულვართ,  
 სად გაქრა ხალხი ტანწვრილი?  
 ხორაგით სავსე მაგიდას  
 მართავს უგნურის ხელი!  
 — დალიე! — მეტს რას დაგიღევს  
 თამადა, ფუთის მსმელი!  
 თან ელექტრონის იმედით  
 ეღრიალებს ინსტრუმენტები!  
 ფანდურო, ვინ გაგიმეტა?  
 ჩონგურო, მეიმედები?  
 ალარც — სიმღერა და ცეკვა,  
 ალარც — ლექსი და ზმა!  
 ქორწილი გადაგვიყეთდა.  
 მხოლოდ ჭამად და სმად!..

**ჯემალ დოგორჯინიძე**  
 (ლანჩხუთის რაიონი, სოფელი მა-  
 მათი).

# კანკინა

ორპირობით ლელო გააქუს.  
 მხოლოდ მისთვის იღუნის!  
 „ზოგსა კაცსა კაცი პქვიან,  
 ზოგსა კაცსა — კაცუნა“...  
 დიდი კაცი ხალხს ამშვენებს,  
 ხალხს ზედ აზის კაცუნა.

სოლომონ ლავაური

„ზოგსა კაცსა კაცი პქვიან,  
 ზოგსა კაცსა — კაცუნა...“,  
 დიდი კაცი სკამს ამშვენებს,  
 სკამი — ცრუ კაცბაცუნას!  
 დიდ კაცს თავი დახრილი აქვს,  
 ფიქრობს ხალხზე, ერზე!  
 კაცუნა კაცს, თავაწულს,  
 სკამი უდგას ღერძზე,  
 ტრიალებს და მაღლა იწევს,  
 ექებს ფულს და ხახულს,  
 კამბინეტში ჩაკეტილი  
 შიგ არ უშვებს მხასველს!  
 თათბირებზე სიტყვას ამბობს,  
 გარდაქმნიხთვის „იწვის“.







# ინტერვიუ ცხაველთა საბუროსთან

## ალბატროსს შეეკითხვნენ:

— ჩვენ ვიცით, რომ სხვა ფრთოსნებზე შორს დაფრინავთ, შეუსვენებლად ფარავთ უზარმაზარ მანძილს, საიდან გაქვთ ამხელა ძალა?

— ეს ძალა კი არა, სისუსტეა, — მიუგო ალბატროსმა, — მე ძალიან მეშინია მიწაზე დაშვებისა!..

## კანარის ჩიტს შეეკითხვნენ:

— რა განსხვავებაა თქვენსა და ბულბულის გალობას შორის?  
— მხატვრული ღირსების თვალსაზრისით არავითარი, — მიუგო კანარის ჩიტმა, — მაგრამ მე ერთი უპირატესობა მაქვს.

— რა გაქვთ მხედველობაში? — ჩაუძიუნ.  
— ბულბულისაგან განსხვავებით შემოძლია გალიაშიც ვიგალობო! — უპასუხა კანარის ჩიტმა.

## ნიანბს და უსვეს კითხვა:

— ყველაზე მეტად რას აფანებთ ცხოვრებაში?  
— საკუთარ ტყავს! — მიუგო ალიგატორმა.

## კიპოსს კითხეს:

— თქვენი დევიზი?  
— მხოლოდ წინ! — უპასუხა კიბომ.

— რატომ ხართ ასე ავი? — შეეკითხნენ ძაღლს.  
— ავი კი არა, კეთილი და სტუმართმოყვარე ვარ, მაგრამ საგულდაგულოდ ვმალავ ამას.

— რატომ?  
— მეშინია ადგილი არ დავკარგო! — აღერსიანად მიუგო ძაღლმა.

## კითხვით მიმართეს კეპარდს:

— ცნობილია, რომ თქვენ ყველაზე სწრაფი მხეცი ხართ და შეგიძლიათ საათში 110 კილომეტრი სიჩქარე განავითაროთ...

— მაპატიეთ, — შეაწყვეტინა გეპარდმა, — დასასლუბულ ადგილებში მე ნებას ვაძლევ ჩემს თავს განვავითარო მხოლოდ 60 კილომეტრი საათში. მიუსხედავად ამისა, არავის ვურჩევ ჩემთან შეჯახებას!

„ლიტერატურაია გაზეტადან“ თარგმნა ელგუჯა მერაბიშვილმა

ნახ. გ. პეტრიაშვილისა



## ჩვენ ხომ განათლებული ვართ ყველა!..

დავიპყარით ცოდნის ყველა მყინვარწყერი, ახლაც ისევ გაკრილი ვართ ველად. ვეძებთ და, როგორც იყო, მივაგნით! — თურმე განათლებული ვართ ყველა!

ათი შვილი? ხუთი შვილი? ვისლა უნდა, დრო ვისლა აქვს, იდგეს აკვნის მცველად?! ერთი შვილის სიყვარულიც მიღის

გულთან! — ჩვენ ხომ განათლებული ვართ ყველა!

ბარი? თობი? ცეცხლის ალზე რკინის

წრთობა? ვის სცალია ახლა მოსაცელად? ყველას გვინდა კაბინეტი, დიდკაცობა! — ჩვენ ხომ განათლებული ვართ ყველა!

მივატოვეთ ორღობე და სოფლის გზები, მამა-პაპის ფუძე ითხოვს შველას!.. მივიღებთ და თბილის-ქალაქს

ვეზინებთ! — ჩვენ ხომ განათლებული ვართ ყველა!

რას ჩურჩულებს მოჩხრიაღე მთიდან წყარო, ანდა ასე რატომ თრთის და ლეღავს? რად არ ვამბობთ, ვიცინოთ თუ ცრემლი ვღვაროთ?! —

ჩვენ ხომ განათლებული ვართ ყველა!

— აქ რამ მოგიყვანა, შე ბარაქიანო, შენა?!

ვანტანგ გორგანელი

# ყარმუჯრული ყოყოოქება


## უფროსის წაბაკვით

— ეჰ, წავალ ახლა სახლში, ჩემს ცოლს ნიგვზიანი ლობიო შევუკვეთე სადილად და ერთი გემოზე შევექცევი! — ეუბნება ბაღში სასეირნოდ გამოსული ყოფილი პასუხისმგებელი მუშაკი, ახლა კი პენსიონერი ვარლამ დათეშიძე ასევე პენსიონერ ნოშრევან შამანაძეს.

— ლობიოს სახელი არ გამაგონო, ჭირვით მეჯავრება!..

— რა მოხდა, არ იტყვი? ლობიო რომ რაჭველ კაცს სძულდეს, პირველად მესმის!..

— აი, რა მოხდა: ერთი უფროსი მყავდა. ნამეტანი უყვარდა ლობიო. მე მისი მოადგილე ვიყავი და დღეში სამჯერ მაინც დაყავდი ლობიოს საჭმელად; უჩემოდ ლუკმას არ იღებდა პირში. ასე ვჭამე ლობიო იძულებით კაი თორმეტი წელი. მის მერე შემძულდა იგი.



— შე კაი კაცი, ჩემთან შედარებით ბედნიერი ყოფილხარ, კუჭს მაინც იძლებდი. მე დირექტორი მყავდა, ბილიარდზე იყო შეყვარებული. როგორც კი მოიცლიდა, დამირეკავდა:

— აბა, ვარლამ, წავიდეთ საბილიარდოში!

მე ბილიარდის თამაშის არაფერი გამეგებოდა, მაგრამ მეტი რა ჩარა იყო!.. მასთან ერთად ვუკვლიდი გარშემო მაგიდას, „ვერულშემატკივრობდი“ — მე ხშირად მშიერი, ის კი — ყოველთვის დანაყრებული (საჭმელი კაბინეტში მიჰქონდათ). ასე გაგრძელდა მთელი თხუთმეტი წელი. მას შემდეგ ბილიარდს რომ ასვენებენ, ტანზე მაყრის!..

## ასე იცის დაგვიანება

— ამოდენა ვაჟკაცს ერთი ბავშვის მეტი არ გყავს, არა გრცხვინია? — ეუბნება მეგობარი ამირანს.

— დიასაც რომ მრცხვინია მეორე და მესამე შვილის გაჩენის „საშუალებაც“ არის, მაგრამ...

— რა მაგრამ?

— ცოლის შერთვა დაგავიანებ და ახლა საბავშვო ბაღში ბიჭის წამოსაყვანად რომ მივდივარ, ჩემს პირმშოს ბავშვები ძიანარებენ:

— ნიკო, ბაბუაშენი მოვიდა!

მეორე და მესამე შვილი რომ გაგვიჩნდეს და ბაღში მივიყვანოთ, ალბათ პაპისპაად მომნათლავენ მათი ამხანაგები.

## ყველაზე მოკლე წერილი

რაჭველი გლეხი ალექსი, რომელსაც დურგლობა ემარჯვებოდა, ზამთარში „საშოვარზე“ წავიდა.

ელოდნენ შინ მის წერილს ერთ თვეს და, როგორც იქნა, მიიღეს რამდენიმეიტყვიანი ბარათი: „თქვენი ჯავრი არა მაქვს და ნურც ჩემზე იდარდებთ!“


ეს იყო მისი პირველი წერილიც და უკანასკნელიც. სააღდგომოდ ალექსი უკვე თავის სახლში იყო ჯანმრთელი და საღ-სალამათი.

## ვაშა სოსხაძე

(ქ. ა მ ბ რ ო ლ ა უ რ ი)



## ნახ. მ. საჩხერელინის



უსიტყვოდ



სატირიკო და იუმორის  
ჟურნალი „ნიანგი“ № 12  
(1766), ივნისი. გამომდის  
1923 წლის ივნისიდან.

მთავარი რედაქტორი  
ვაშა სოსხაძე

სარედაქციო კოლეგია:

ავთანდილ ადგიშვილი  
(პასუხისმგებელი მდივანი),  
ქაბუა ამირეჯიბი, ნოზადი  
ბართაია, ბორის გურგუ-  
ლია, რევაზ თვარაძე, ჭე-  
მალ ლოლოვა, ნოდარ მა-  
ლაზონია (მხატვარ-რედაქ-  
ტორი), ალექსანდრე სამ-  
სონია, ბეჟან სიხარულიძე  
(მთავარი რედაქტორის მო-  
ადგილე), ჭანსუდ ჩარკვი-  
ანი, თამაზ წიფწივაძე, ნა-  
ფი ჭუსოითა.

ტექნიკური რედაქტორი  
ირაკლი დუნდუა

გადაეცა ასაწყობად  
13. 05. 88 წ. ხელმოწერი-  
ლია დასაბეჭდად 21. 06.  
88 წ. ქალაქის ზომა  
60×90<sup>1</sup>/<sub>8</sub>, ფიზიკური ნაბე-  
ჭი ფურცელი 1,5. სააღ-  
რიცხვო-საგამომცემლო თა-  
ბახი 1,9, საქართველოს კ-  
ც-ის გამომცემლობა,  
ლენინის 14, შეკვ. 1303  
შე 04772 ტირაჟი 139000  
ჟურნალი გამოდის თვეში  
ორჯერ. რედაქციაში შემო-  
სული მასალები ავტორებს  
არ უბრუნდებათ.

ჩვენი მისამართი: 880008.  
თბილისი-8, რუსთაველის  
პროსპექტი № 42.

ტელეფონები: მთავარი  
რედაქტორის — 99-55-54,  
მთ. რედ. მოადგილის —  
93-19-42, პ/მგ მდივნის —  
93-10-78, მხატვარ-რედაქ-  
ტორის — 99-02-38, გან-  
ყოფილებათა გამგეების —  
93-49-32, რედაქტორ-ლიტ-  
მუშაკების — 99-02-38,  
მდივან-მემატკიანის —  
99-76-69.

სატირიკო - юмористиче-  
ский журнал «НИАН-  
ГИ» (На грузинском  
языке). Тбилиси, пр. Ру-  
ставели № 42. Изда-  
тельство ЦК КП Грузии,  
Ордена Трудового Крас-  
ного Знамени типогра-  
фия издательства ЦК  
КП Грузии, Тбилиси,  
улица Ленина № 14.

ფასი 20 კაპ.  
ინდექსი 76137





7-88

88-405



ნახ. ი. გვილაშვილი



ს ვ ლ ნ ე თ ი

— მუვიდობით, სვლანეთო!